

第七五九冊

經濟彙編

戎政典

兵略部

兵餉部

(卷)

三四—三四

三三—三七

古今圖書集成

中華書局影印



古今圖書集成

中華書局影印

欽定古今圖書集成經濟彙編戎政典

第二百二十四卷目錄

兵略部彙考一百二十二

親征平定朔漢方略三十一

戎政典第二百二十四卷

兵略部彙考一百二十二

親征平定朔漢方略三十一

閏三月辛巳朔

遣使

勅訊第巴先是第巴遣使尼麻唐庫圖克圖卓爾磨

隆堪布具疏密奏云爲衆生不幸第五世達賴

喇嘛於壬戌年身故事自

聖主車書一統癸巳年赴京講信修睦以來此地法

門最大者達賴喇嘛也世間最大者

昊天日月大施主也百凡情事非不有心陳奏而奉

太上大護法巴賴奔奈冲之語但召近待之人

如達賴汗達賴巴圖爾等告之自此以外各於

親近直至今年不得告語雖有心陳奏此情而

奉達賴喇嘛之旨及護法奈冲之言甚爲嚴切

是以未能陳奏伏祈

睿鑒第六世轉生靜體因有避忌尚未放參俟至其

年月日時奏聞

昊天至尊大施主後再諭衆聞知爲此遣尼麻唐庫

圖克圖卓爾磨隆堪布等前往密奏伏祈

睿鑒屢頒訓諭茲具伴疏禮儀欲

昊天大施主便於供養以其停骸牀簀之鹽拌和塑

成達賴喇嘛遺像謹以上獻尼麻唐庫圖克圖

等口奏云老達賴喇嘛戊午年已故小達賴喇嘛

生今年十五本地仗達賴喇嘛以存達賴喇嘛

身故之時即欲奏

聞恐生他變且有喇嘛遺言及巴賴奔奈冲之言必

至相合年歲始聞之

天朝皇帝及衆施主故於今年十月二十五日方出

定放祭第巴爲此遣我等行時令於佛前立誓

必親見

皇上密奏若於他處俱令以達賴喇嘛出定相告未

嘗明悉其故

上隨將彼奏章及所獻達賴喇嘛之像於原封之外

面同伊等加封押以鈐記而

諭之云朕數年來久知達賴喇嘛已故若達賴喇嘛

尚存則僧巴泰布庫圖克圖噶爾丹西勒圖齊七

克達賴堪布濟隆庫圖克圖等斷不如此妄行喀

爾喀厄魯特亦不致破壞故朕降旨切責之今第

巴輪誠吐實密以奏朕朕亦爲之密藏將俟十月

初旬啓封宣示內外四十九旗喀爾喀諸部落令

爲已故達賴喇嘛誦經致賜爲小達賴喇嘛遣使

稱賀乃撰

勅遣主事保住等往

諭第巴於二十九日清晨遣行至是司務英沽自策

旺喇卜灘使歸奏云臣接部發策旺喇卜灘奉

文齋至策旺喇卜灘所策旺喇卜灘大喜即遵

旨領兵來剿噶爾丹行至薩克薩忒呼里克二十日

程之地有達賴喇嘛使人達爾漢厄木齊言達

賴喇嘛身故已十有六年矣小達賴喇嘛方十

五歲爾等當各居其地不得與兵遂按兵而退

英沽知其不能復行亦還達賴喇嘛之事西

北諸人皆已聞之是日副都統阿南達奏至疏

稱噶爾旦多爾濟遣人來告云達賴喇嘛之善

巴陵堪布於三月二十五日致我一札令我赴

彼盟會我以向不與彼盟會是以不往謹以其

書呈覽視其書乃唐古特文其詞云達賴喇嘛

第巴兩人遣人論青海諸首領俱於正月二十

八日在察罕托洛海地方會盟繕修器械爾可

令爾屬下人亦繕修器械於來月初四五間晝

夜兼行務期必到期會之地疏至

上命將善巴陵堪布致書之意下議政諸臣集議議

曰達賴喇嘛遣使尼麻唐庫圖克圖等請

安密陳機務第巴復還

諭陳言情詞恭順是以

皇上特沛溫綸遣我使與尼麻唐庫圖克圖偕往今

以善巴陵堪布致書噶爾旦多爾濟觀之則與

達賴喇嘛所奏本意不符無故會青海諸台吉

繕修器械又約從來未與盟會之噶爾旦多爾

濟其意叵測且策旺喇卜灘親領兵往勦噶爾

丹之時第巴會遣人撤回以此觀之第巴仍黨

噶爾丹而誑我其跡顯然噶爾丹者窮兇殘寇

必當撲滅之者也凡俘獲者論功助彼者即吾敵也恐第巴以彼所居遠遠謂我不知其詭計應令所司詳列此情追發尼麻唐庫圖克圖等併檄主事保住等將此情由詢明第巴來奏議上從之

上從之

壬午厄魯特津巴車爾貝來降副都統阿南達疏至言三月初五日^臣遣家人尼楚滾渣木素往哈密偵探語之曰聞噶爾丹之津巴車爾貝來則擒而致之十七日尼楚滾歸告曰我等於初九日至哈密以內昭呼都克地方遇前所遣駐劄哈密之家人海喇圖解送津巴車爾貝一同前來問津巴車爾貝答曰噶爾丹謂我受中華皇帝勅書以為叛彼曾被拘執正月初一日彼遣十五人躡覓塞卜騰巴兒珠爾以我授之帶至瀚海止給馬一匹棄之而去我於是步行向哈密而來我來時噶爾丹仍在格格忒哈郎古忒地方兵不過五六百名馬馳之外並無牛羊又曾遣人名哈世者往探洪郭羅人等情形尚未歸來噶爾丹口中但云俟格壘而已前者噶爾丹與我閒談言中華皇帝若堅諭格壘仍前修好查還失散之人我等猶可苟延如不招降無甚修睦之旨必不能棲於此地矣蓋其勢似必向洪郭羅伊濟根等處而去此兩處未知焉往殆俟往洪郭羅之使哈世歸時乃定也^臣思噶爾丹之兵不過五六百所乘馬駝外並無他畜正急遽擾亂不知所為之際我皇上睿謨周至會^臣料其斷不能出皇上廟謨之外不勝欣躍^臣現駐劄布隆吉爾地方請俟孫恩克博濟兵到後即竭力進征以圖報効為此驛解津巴車爾貝前去謹此奏聞

五六百所乘馬駝外並無他畜正急遽擾亂不知所為之際我皇上睿謨周至會^臣料其斷不能出皇上廟謨之外不勝欣躍^臣現駐劄布隆吉爾地方請俟孫恩克博濟兵到後即竭力進征以圖報効為此驛解津巴車爾貝前去謹此奏聞

皇上睿謨周至會^臣料其斷不能出皇上廟謨之外不勝欣躍^臣現駐劄布隆吉爾地方請俟孫恩克博濟兵到後即竭力進征以圖報効為此驛解津巴車爾貝前去謹此奏聞

上命示議政大臣著以津巴車爾貝交吳達禪喇錫訊明來奏

厄魯特台吉滾布察罕來降理藩院奏曰據副都統阿南達咨言降人厄魯特台吉滾布察罕訴云某來歸

聖上益楚克台吉取我人畜畱之隨檄益楚克台吉云今來歸

聖上爾乃雷其人畜是何故耶著速照數查還益楚克台吉言往歸

聖上之人我何敢畱之但滾布察罕等前曾盜我屬下人畜又有借欠宿通計數取償是實又有不願人等擅自逃去者皆圖賴我畱之耳今承鈞諭將現在人口即行差人解還計三十八口以此問之滾布察罕訴云先是一百二十許口內自益楚克處未起行之前十六人逃至名畢賴之人家向此來時又有俄申等八人亦逃至畢賴家至察罕達爾漢所居俄倫布拉克又四人逃去現在益楚克所者仍有三十八口馬二十四匹在畢賴所者有厄魯特人二十四口西郎

副都統阿南達奏報策旺喇卜灘率兵禦噶爾丹阿南達奏言策旺喇卜灘咨稱來文俱已備晰倘彼從此地過必不使之脫出已遣阿玉什之子臧濟扎卜率兵二萬起行矣又備文開明諸事原由差諾海齋送爾矣又我使人往土魯滿開汗之子已往哈密汗所親率不及千人漸往哈密畱下衆人止率兵五千至呼達波汗處逃來者二人言汗本身原在格格特哈喇古特以額克阿拉兒有魚欲遷往彼地故今至泰什

古特人二十一口於是復遣通事韓福齋文赴盆楚克等訊之韓福歸稟曰某等至盆楚克家問之云盆楚克赴青海之盟去矣即以公文授盆楚克下人達爾札送其父阿齊巴魯爾台吉遣人來覆云我子赴盟去矣滾布察罕之人盜我子牲畜罰取之者也又至畢賴處諭之畢賴言我何敢取歸降

皇上之人俄申等十一人逃在此西郎古特者因盜達賴備賞牲畜盟壇會審聞於達賴喇嘛罰取之人其根敦等十四口久係掠取之人亦達賴喇嘛所轄此輩我不便擅還但將俄申本身男子四人婦女二口童男二人童女二口給發及察罕達爾漢處所有男子二人女一口共十四口又畢賴回文一併帶到畢賴回文云此等人俱因偷盜財物罰取已久皆屬達賴喇嘛我不得擅給為此將伊人口共一百二十五名交送山西巡撫咨部伏乞轉奏茲據咨轉奏報

副都統阿南達奏報策旺喇卜灘率兵禦噶爾丹阿南達奏言策旺喇卜灘咨稱來文俱已備晰倘彼從此地過必不使之脫出已遣阿玉什之子臧濟扎卜率兵二萬起行矣又備文開明諸事原由差諾海齋送爾矣又我使人往土魯滿開汗之子已往哈密汗所親率不及千人漸往哈密畱下衆人止率兵五千至呼達波汗處逃來者二人言汗本身原在格格特哈喇古特以額克阿拉兒有魚欲遷往彼地故今至泰什

里地方又我差探博碩克圖汗所在哨卒遇逃來人哈爾城殿額爾克擒之前來言博碩克圖汗本身仍在格格特哈朗古特其他俱無食四散又額貝都拉致書於哈爾城殿額爾克以告博碩克圖汗之言曰

中華皇帝使臣來已二三矣渾台吉使人之來亦

二三次屢索其子彼處使人我已面見語之曰我之意仍照前而已非如爾等遊牧之人恐伊等之狀又將遣使來也如欲問信於我可令爾使人至土克里克坐待覆音伊等使人若回去即至沙爾見我云我欲探明博碩克圖汗去向已畱下兵馬一枝因我遊牧地方近於白帽故已回去奏入

上以示議政諸臣

命運米至白塔

上諭內大臣福善索額圖等曰大兵行期暫緩米應先運至白塔爾等會同運米左都御史于成龍將所有船隻酌畱渡口備用外其餘船隻盡行載米運往但此地水手操船運米不甚諳練黑龍江之兵頗習於船可發二百名令率本地水手乘此時裝運二次其大兵所攜四個月口糧俟至白塔再行散給令各帶去甚有裨益于成龍等集議曰聖算無遺等祇遵無復他議除畱船二十隻令備渡口外所餘大小船共一百三隻一次可載米三千石應將于成龍等隨軍遞運之米盡載入船再將將軍馬恩喀兵所攜四個月口糧內酌撥上船作兩次運送

上報可問于成龍曰爾等裝運米船作何調度于成龍奏曰請以船十五隻交地方官一員及_臣等隨行官員二員同押以便約束水手米分爲六隊頭隊喻成龍二隊范承烈三隊王國昌四隊辛保五隊李鈞六隊喀拜前後_臣親身總督之俱自寧夏散趕駝馬至於白塔地方再各收所運之米自陸路運往

上曰是米糧關係緊急爾等當從多帶往至隨駕大小官員殷實之人除各帶自己口糧外有願將官米或數石或數斗隨力攜帶者各令攜帶至於白塔撥給兵丁爾等諭衆通知以願帶之人及所帶米數奏聞先是

上以新滿洲二十人給于成龍使之隨材調用至是

于成龍覆請曰

皇上所給新滿洲二十人何處調用口糧何處支給上曰此二十人可令搖船運米至陸路後隨材用力伊等口糧即載船中帶去至汝等所帶旗員情願効力者甚少恐差遣不敷今採買牲畜之御史顧素等及隨駕部院官員並無所事著令押運米糧併去歲運米者爾等亦具奏帶往

奏未

以諭諸部落保護哈密知額貝都拉副都統阿南達疏言額貝都拉達爾漢白克呈稱策旺喇卜灘遣使與爾圖勞章齋文詰問云博碩克圖汗處發來事務爾等不明示我其與塞卜騰巴兒珠爾等見執之人甚多而不遣一人於我亦不使聞其情事且爾又令人押我使一概不許

相見此項諸事果是理乎今可速將爾所執人內擇出一人與爾使來再將塞卜騰巴兒珠爾與我使一見其餘皆送往圖魯滿口授之言已語使人矣我對之曰噶爾丹處發來諸事我並無所欺隱其塞卜騰巴兒珠爾等人理應解送皇上故交侍衛阿南達之使與我于白奇一同解去此爾使所日親也至汝之人每誘蒙古之人逃竄是以一概不令相見耳其來使口致云阿南達書言爾已降中國其中國迫汝使降耶抑爾自願降耶我對之曰

皇上未嘗迫我第遣人移文稱

聖諭云前爾雖附噶爾丹今當從朕後又令我聲噶爾丹其人來則擒之我是以心悅誠服而降

聖上也策旺喇卜灘謂我已降

皇上既已大怒又以我擒獻其種類故凡我使人皆拘執之不得還今我所擒約七十餘人策旺喇卜灘必求索取倘致與我內外未必無虞是宜預爲籌之也疏入

上命議政大臣集議議曰前因額貝都拉達爾漢白克已降

聖上而策旺喇卜灘及青海諸台吉下人不之知也

未必不肆行侵擾應檄策旺喇卜灘及青海諸台吉各將下人嚴行約束勿得侵擾哈密同子可也已經行文在案請以此諭額貝都拉知之併檄額貝都拉如策旺喇卜灘索取爾處所有之人斷不得擅發上從之

命黑龍江軍中馬匹放青

上諭內大臣公福善索額圖馬思喀大學士伊桑阿

曰黑龍江之兵効力之心切故薩卜素自稱馬匹

臆壯而已朕今日巡城見黑龍江軍中馬匹臆色

甚欠此馬乘歸難以得到伊等若有出行之事朕

當給馬使騎其將伊等之馬一千七百匹令於察

罕托海之地收放遣人送往歸化城征行既畢各

乘己馬以歸其土則易到也如此草料有餘而馬

亦有益其會同薩卜素集議以聞議曰此馬在察

罕托海地方收放請以三百匹為一羣共五羣

每羣用綠旗兵十五名牧之以總兵官王化行

標下叅遊等官才能者二員領之再令將軍薩

卜素派出每翼章京各一員每旗兵各二名協

同監牧此馬既起解歸化城應檄歸化城都統

派出副都統一員叅領二員及官兵趕至歸化

城四圍收放事竣之日以便各乘其馬歸彼本

汛如此則草料有餘而於馬亦有益至將軍薩

卜素在此地拴騎之馬五十匹仍支草料喂養

俟

命下之後即發伊等之馬往察罕托海收放

上曰此馬趕到察罕托海令與達禮善等所牧馬一

處收放餘依議

提督李林隆請調兵二千分守大黃山之西

允之李林隆疏至言奉兵部各稱甘肅等處地方甚

屬緊要目前將軍孫思克博濟統領大兵進薩

克薩忒呼里克搜剿噶爾丹應令提督李林隆

仍駐守甘州議政大臣議奏奉

旨准行查大黃山東方有涼州總兵董大成足以防

守大黃山西方所有肅州總兵官屬下地方皆

屬緊要需兵甚多河西地方累年以來挑用兵

馬其馬不可以為不乏現調馬兵二千分守

以副

皇上西顧之意其調到兵馬俟將軍孫思克回汛之

日即當發還固原疏入

上從之

命動支正餉採買馬畜以備軍需副都統阿爾泰等

疏至言平涼買牲郎中朱蘭泰動支正項錢糧

採買駱駝七十頭馬一百二十五匹又朱蘭泰

自價買助馬騾三十四匹上項駱駝馬騾俱交地

方官訖寧夏買牲御史顧素郎中敖海員外沙

里布等買得馬騾一百三十一匹羊一萬六千

五百隻又顧素自價買助馬五十匹敖海助馬

五十匹沙里布助馬三十一匹上項俱交地方

官訖疏入

上以之付所司

甲申厄魯特人額林辰哈什哈等來降大將軍

伯費揚古疏至言侍郎滿不咨稱噶爾丹下諾

爾布寨桑族兄額林辰哈什哈等共十三口來

降問額林辰哈什哈曰汝逃來時噶爾丹在何

地告曰我等未來之前噶爾丹原在薩克薩忒

呼里克丹濟拉移往齊察蘭去矣問曰齊察蘭

距噶爾丹所居有幾日程爾同來之台吉達木

林之妻布尼塔爾者即杜噶爾阿喇卜灘之弟

達木林之妻否告曰我在台西勒地方居住是

以噶爾丹聲息一無所聞我姊之子顧木特爾

乃丹濟拉之塔拉斯倫屬下人常在拉斯倫左

右議事顧木特爾告我曰丹濟拉會遣唐古特

相約同降又彼下人紛紛言曰西有

聖上之兵東有根敦帶青之兵我輩無所逃矣齊察

蘭地方去噶爾丹所居之地有兩日程布尼塔

爾即杜噶爾阿喇卜灘胞弟達木林之妻即我

伯父之女於我為妹云除妻子人口及布尼塔

爾等交送歸化城外相應將額林辰哈什哈解

送據咨具奏

上以示議政大臣其丹濟拉與噶爾丹如何離散之

故交吳達禪喇錫問明來奏隨問額林辰哈什哈

言丹濟拉因撻噶爾丹近侍額木齊是以離散

甘肅巡撫郭洪泰報師期郭洪泰言准行兵部

咨稱會議噶爾丹窮迫鼠竄餘黨不過數百大

兵進剿即可撲滅現在肅州預備西安滿兵二

千每人各有私馬三匹此二千兵內除去家貧

者五百名外於此兵五百名之馬一千五百匹

及撥孫思克兵餘剩之馬五百匹巡撫郭洪採

買捐助一千許馬駝內揀擇臆壯者如或不足

令該撫會同孫思克於文武官不出征綠旗兵

丁內擇馬騾臆壯者給此滿洲一千五百兵每

人二匹前往征勦毋失機會至所採買牛羊別

無用處俱著帶去其採買捐助馬內臆瘦者給

留下五百滿兵喂養等因到臣查前進之兵一

千五百名以每人給馬二匹算則留下五百滿

兵之馬一千五百匹及撥給孫思克兵餘剩之

馬五百匹外併計將軍博濟後請砲手坐馬共

少馬一千一百十二匹將現到捐助採買馬駝

內應壯者撥給其不敷者移會將軍孫恩克差

官往取附近不出征綠旗營之馬今將軍孫恩

克博濟覆稱往取附近綠旗兵之馬不能一時

即得進兵日期甚急故將現得應壯牲口數百

俱給副都統等撥給兵丁一面令其起行前來

我等計馬減兵起程等語是以現到採買捐助

馬駝內揀擇應壯者共四百七十二匹交副都

統席爾哈達馬雲霄撥給前進兵丁其拴帶百

口口糧早已預備肅州外今米袋馬駝鞍架

駱駝鞍屨等物俱已撥給副都統席爾哈達馬

雲霄所缺馬數減滿洲綠旗兵八十名給前進

滿兵每人二匹官兵已於閏三月初一日自甘

州起行至捐助採買馬匹內應瘦者三百四十

五匹及管理茶馬郎中李學聖後換解到瘦馬

一百十六匹俱交留下滿兵喂養西軍莊浪採

買未到馬匹隨到即補給留下滿兵已交付道

員金秉倫訖採買馬三百十二匹半七千隻俱

發隨滿兵綠旗兵訖到肅州督視官兵自肅

州起行其日期另行奏

聞外今將官兵自甘州起行日期奏

聞

上以發該部是日遣內大臣公常泰

諭祭提督陳福其子陳世濟率族人至

行官謝

乙酉

授法爾庫為藍翎侍衛

上諭內大臣日法爾庫為前鋒巡哨時遇厄魯特二

十餘人來圍之射倒一人兩人得傷而走於是得

出敵皆異之法爾庫人材偉健而且善射著授藍

翎侍衛

追回尼麻唐庫圖克圖主事保住先是以第巴

沮止策旺喇卜灘之兵及約噶爾且多爾濟會

盟之事追發尼麻唐庫圖克圖保住使訊第巴

至是

皇上又命追尼麻唐庫圖克圖保住還尼麻唐庫圖

克圖保住至

論保住等曰第巴於朕諸諭旨無不順從彼又詳請

溫諭是以朕遣汝等傳致溫諭既經遣發汝等勅

文及口諭俱無庸更改但以青海善巴陵堪布致

書於噶爾且多爾濟及第巴差達爾漢額木齊於

策旺喇卜灘阻止策旺喇卜灘之兵又我英沽使

於策旺喇卜灘歸奏達賴喇嘛身故之事俱已傳

播是以追回汝等使以情由問之尼麻唐又第巴

所獻佛像奏章連封交尼麻唐拆視乃泥塑達賴

喇嘛其頭已斷此項情由汝等可宣問第巴保住

爾年甚少可將轉生之小靈童喇嘛看明回來如

不令見則已尼麻唐庫圖克圖密請云達賴喇嘛

身故已十有六年矣達賴喇嘛再生年已十五今

歲十月二十五日出定此際乞聖主祕之無使宜

露朕原允第巴所請今英沽歸言策旺喇卜灘諸

將諭旨內始末亦皆曉諭之是日

上諭皇太子日前尼麻唐庫圖克圖等到其中情由

彼甚祕密未經開明今事悉昭著故詳開始末尼

麻唐庫圖克圖到後朕念達賴喇嘛舊好體其祕

密之意將第巴奏章及所獻達賴喇嘛之像於原

封上在伊等前加封押以鈐記遣主事保住齋勅

往諭第巴二十八日引見二十九日起程之後司

務英沽還奏言達賴喇嘛身故之事西北之人俱

已盡知是日阿南達又奏言善巴陵堪布遣人致

書於噶爾且多爾濟令其繕修器械來赴青海之

盟如此則朕雖欲為達賴喇嘛祕密其事亦徒然

耳且以當詰之事甚多故追回尼麻唐庫圖克圖

諸人令諸臣傳諭日爾等祕密之事朕念達賴喇

嘛之情深祕之概不以之告人今爾使達爾漢厄

木齊等皆已傳播遍處聞知朕獨祕之何益之有

爾等可與喇嘛等公同啓封將奏章并達賴喇嘛

之像觀之於是此地諸喇嘛同尼麻唐庫圖克圖

親啓封視之乃泥塑達賴喇嘛之像其首顛項墮

在一旁是時諸喇嘛及衆大臣凡共聞共見之人

無不驚訝以為此事若伊等去後聞之或於十月

開之而見其如此豈不為我詭誕天心每與聖主

符合正當尼麻唐去猶未遠而英沽之事適到仍

使其親見此事始末則皇上之誠信及優待達賴

喇嘛之心亦昭著矣十六年以來假托達賴喇嘛

之言其事顯露達賴喇嘛果其有知亦當感戴聖

上而不能不致憾於第巴也於此可以知第巴之

恩

經濟彙編戎政典第二百二十四卷兵略部

第七五九冊 之〇三葉

尼麻唐庫圖克圖輩心神失措驚然倒地口不能言但自悵云此我輩不祥之兆也即上項情事觀之此十六年間本朝出差之喇嘛輩欺誑本朝已極不足取信皆徇第已無一實語其中丹木巴塞爾濟堅稱親見達賴喇嘛尤為可惡皇太子可率理藩院官員將默爾根綽爾濟以下喇嘛等俱傳集旃檀寺告之以其故拿丹木巴塞爾濟并其徒俱禁理藩院中其兩處所有房屋俱令封守可呵責默爾根綽爾濟及衆喇嘛曰今年初一日朕躬及皇太子俱在彼間及默爾根綽爾濟倡言達賴喇嘛尚在今何以實跡顯露耶以此觀之養大尚能吠生人猶為有益養爾等喇嘛竟無所益併查此十六年來差赴西域之喇嘛逐一取供來奏諸喇嘛所作何狀亦當寄聞上項情事令滿大臣俱閱之敬請

皇太后安口奏大略以聞
以發大將軍伯費揚古用剩銀兩仍留將軍軍前先是

上命發銀五千兩送至大將軍費揚古所酌買皮襖牛羊等物頒給兵丁尋大將軍分給兵丁訖軍中俱有兩月糧糗尚餘銀二千四百兩以為應送交右衛令西路同知唐凱收貯咨理藩院轉奏上諭曰此銀仍畱大將軍費揚古所有用俟便撤之是日

上諭皇太子曰朕至軍夏將十日矣每日籌畫兵馬糧餉之事略無刻暇途中晨則蒙霧露晝則冒塵沙口疲於督責手敝於籌策而來此數千里之外

者亦為此噶爾丹一遺孽也朕於此時倘在京城非不能朝玩名花晝坐樹陰以聽鳴鳥熱則息涼則行安樂為上也亦以此志欲展丈夫之心胷耳恐皇太子純孝之人見花見鳥見魚見獸必念朕砂磧窮邊之勞苦而惻然心痛也其勿為朕憂但日夜盡心於國家之事暇則觀經史前代之得失以抒爾懷又

諭曰朕至此地即以儀器測驗較之京城北極一度二十分東西遠二千一百五十里以此付安多照法推算原謂日食九分四十六秒乃是日大晴測驗之食九分三十幾秒並不昏黑見星自寧夏視京師在正東而稍北初三日雨聊以寄爾知之其以告滿洲諸大臣又沿途自定邊至寧夏皆砂磧無草鹹蒿鹹刺沙蒿度笈草之外皆鹹與鹹草夏四周皆稻田引黃河之水以耕不用裁插地方水土不甚佳於人不相宜恐皇太子欲聞之雖無用而書此沿黃河邊外牧地甚佳故我軍之馬悉驅而牧之乃青草馬可飽也

臣按自古聖帝明王未有不憂勤惕厲而能躋於郅隆者也竟曰我瘦天下肥大禹惜寸陰文王自朝至於日中昃不遑暇食皆是物也我皇上子愛元元惟恐一人之不安耕鑿乃以噶爾丹肆虐屢戍邊陲致我塞外人民每遭驚擾以故赫然震怒

親統六師含臺沼禽魚之樂任櫛風沐雨之勞籌兵措餉
肝食宵衣由是觀之先聖後聖其揆一也伏讀

勅賜

東宮

上諭旨遠情深

聖主明訓誠可謂要而不繁矣

丙戌多羅額駙阿喇卜灘奏報青海諸台吉受盟期約之事先是

上遣多羅額駙阿喇卜灘喇嘛商南多爾濟內大臣杜思哈爾司業薩爾圖員外二郎保等往說青海諸台吉來朝阿喇卜灘等奏曰阿齊滾布巴圖爾台吉今遣馬穆特來請

皇上萬安問之馬穆特告曰阿齊滾布巴圖爾台吉雖未嘗有決計歸降來朝

皇上之言但宣皇上恩旨我台吉當無言不從也以此觀之阿齊滾布巴圖爾台吉已向朕矣應先往阿齊滾布巴圖爾所說之

上是之至是阿喇卜灘等奏曰臣等奉旨起行先遣國子監助教通奇塔特帶來使馬穆特往阿齊滾布巴圖爾台吉所告之曰我遣使於策旺喇卜灘等處時爾遣人護送資助馳馬以此我

聖上大加獎許差給恩賜我等隨至矣臣等於三月十六日至甘肅十七日通奇塔特回覆云大臣之言俱已告阿齊滾布巴圖爾台吉矣台吉云目今達賴喇嘛處遣綏本阿喇木扎卜為建塔之事於青海之察罕托羅海地方會盟我遣長子額爾德尼額爾克

往中途聞達賴汗之子拉藏卓尼緯爾濟等欲乘此會盟執我而與兵是以退回我亦聞是語而與諸子商之因遣我次子益蘇克赴是盟益蘇克歸告曰會盟之地拉藏言汝貳於我遣馬穆特請

中華皇帝之安非叛青海乎我答言遣馬穆特者因聖駕近臨寧夏故我乘便先遣人請

安則有之然我並未嘗叛達賴喇嘛之教也今我所遣馬穆特若受其符信而來我等情甘認罪倘

無符信則當何如以是答之而歸目下拉藏仍欲來伐我亦集吾人備之互設哨探爾以此往告爾大臣可也故等復遣通奇塔特親身親

閱其互設哨探之地且告以我等隨後即到阿齊滾布巴圖爾台吉處之意等於本月二十

一日出未固城界阿齊滾布巴圖爾台吉即遣馬穆特等來迎云我台吉遣我等來告大臣目

下青海諸台吉方在疑我若大臣不臨我地則羣疑當自息矣餘皆如通奇塔特語是以等

共議觀阿齊滾布巴圖爾台吉有畏懼諸台吉之狀我若前往恐不利於彼况彼已係服從之

人故等依其言不復親往但遣員外郎二郎保往

諭給賞詳視情形並驗伊等兩家集兵之事二郎保通奇塔特等齊至郭滿諾門汗廟追及等通

奇塔特告曰我前至阿齊滾布巴圖爾台吉所之時路旁有集兵之帳後往彼時所集人已撤

其帳亦無矣以問之阿齊滾布巴圖爾台吉告

曰是月十九日拉藏遣使來告云請聖上安青海諸台吉原欲會同遣使今巴圖爾台吉獨自希龍遣馬穆特請

安乃衆人閒論之語何特推我一人我不之答而遣回矣二郎保告曰我於本月二十三日至阿齊

滾布所彼云我當出廬外跪聽諭旨但因衆皆疑我欲於坐處跪聽

上諭受賞二郎保即令彼跪於坐處宣旨賞畢阿齊滾布巴圖爾台吉喜云既蒙

御賜當與衆分而服之乃散給其子弟二郎保問拉藏有備兵遣使之事否阿齊滾布所答亦如對

通奇塔特之語我又周視之無集兵之事是日諸門汗出庭迎接手執信帕恭請

聖安後頒御賜信帕宣旨畢諾門汗覆奏云我乃山野微末沙門於

皇上之前並無異異常効力顯著勞績之處蒙皇上於我衰髦沛以

恩綸錫以香信此身雖不能仰報賴有僧徒千衆日誦經懺虔祝

聖壽以答皇恩而已今我雖患病然我本懷原擬望見

天顏當竭力調治痊愈之時務必往朝也是日諾門汗遣人來告曰我喇嘛言

皇上遣諸大臣來者不過欲令青海衆生得享安樂永受恩澤之美意也令我與扎什巴圖爾拉藏

及善巴陵堪布以及達賴喇嘛所遣之綏本阿

喇木扎巴等一一曉諭即以此傳諭衆人皆言願往受盟二十八日善巴陵堪布等遣人來告云我等聞

欽差大臣已至西寧但當春時牲畜羸瘦衆台吉等恐於本月初旬不能齊集請於閏二月初八日

前後到來等許其初八日前後來會等俟親與青海諸台吉會盟事定後另奏外謹具奏

聞上以示議政大臣是日遣大學士伊桑阿

諭祭故將軍趙良棟其子趙弘煜率其族人赴行宮謝

恩丁亥青海台吉博碩克圖濟農奏請招撫噶爾

丹不許多羅額駙阿喇卜灘等疏言本月初二日西寧

總兵官韓爾差千總通事馬一善送到博碩克圖濟農咨文問之馬一善稟云我河州副將李

鳳祥同將軍孫思克出兵之前差善至青海博碩克圖濟農所探聽驗視有無噶爾丹之人且

語博碩克圖濟農曰爾乃噶爾丹之親說之使降我爲妙三月初九日博碩克圖濟農自察罕

托羅海歸其地善即以此言告之博碩克圖濟農未經回覆至十七日羅壘額木齊請

上安而回博碩克圖濟農問明後即喚善往當其第四子車陳帶青楚呼拉寨桑之前謂之曰前我

下人同噶爾丹之人被擒我意中以爲俱已殺

之矣後蒙

皇上釋歸今又遣羅壘額木齊同大臣來使于我眞聖仁之主也又問汝之來甘州將軍西寧總兵官知之乎善言將軍總兵官皆知之博碩克圖濟農

遂令以印文送將軍且言將軍若遣的當人來我此地遣人殆可招之使降也噶爾丹從吾言

我使人引噶爾丹面

聖也臣思

皇上仁聖博碩克圖濟農歸化欲撫其姻家噶爾丹而送印文來理合奏明請

旨而行但將軍孫思克之兵已經啓行如或遲緩恐失機會故遣員外二郎保筆帖式傳昌等與博碩克圖濟農議定使二郎保追至臣等會盟之地使筆帖式傳昌同招撫噶爾丹使臣至將軍

孫思克所將軍孫思克問明量事相機而行招撫二郎保于邊外見臣告曰我等至博碩克圖

濟農會盟之地見之于哈爾噶圖地方議後博碩克圖濟農撥其馬尼好青寨桑什保阿兒達

爾寨桑等八人與之帶來臣等問馬尼好青寨桑等曰濟農教汝等作何言馬尼好等答曰濟

農語我等云爾等到後曉諭噶爾丹汝口稱奉佛之法喇嘛之道而所行並未嘗遵達賴喇嘛

訓誨我一則係親戚而年又長汝凡事俱遵中華皇帝之旨行可也臣等於是仍照前議令筆帖

式傳昌等往交將軍孫思克而來就臣等疏至上以示議政大臣續將軍孫思克奏言厄魯特噶爾

丹兇惡不肯歸化

皇上震怒調遣大兵噶爾丹敗遁目下困窮已極歸

降無路今青海蒙古大頭目博碩克圖濟農遣使欲說噶爾丹降皆博碩克圖濟農震懼

天威欲圖報効也但當遣與否臣見識淺鮮不敢擅便伏候

上裁至招撫噶爾丹之事關係重大臣何敢輕自差小人使之說降乃河州副將李鳳祥遣其通事

馬一善至青海博碩克圖濟農處偵探消息即謂博碩克圖濟農於噶爾丹爲親當使說噶爾

丹歸降臣於此不勝駭異臣並無此言奏至上命議政大臣集議議曰博碩克圖濟農欲遣人招

撫噶爾丹者雖係彼効力之意然噶爾丹之降與不降皆在

皇上恩威於博碩克圖濟農遣人往說無涉也兄已發大兵兩路進剿追討噶爾丹則博碩克圖濟

農遣人之事相應停止以上項原由明諭將軍孫思克及博碩克圖濟農之人遣回至副將李

鳳祥但當差人至青海偵探至招撫噶爾丹乃國家大事李鳳祥輕自差人與博碩克圖濟農

商議殊爲不合應檄該將軍查明到日再議上從之

命緩議根敦什希卜罪鄂爾多斯固山貝子根敦什希卜來請

安進貢奏曰王董羅卜令本旗發兵三百名因馬匹羸瘦不能如數但率兵一百而來奉

旨不許貝子根敦什希卜進貢交該部及議政大臣集議來奏議曰查根敦什希卜旗下有二十一佐

領選好馬之兵三百名無不可得之理况關係軍機甚爲緊要擅自短少殊爲藐玩應將根敦

什希卜革去貝子扎薩克將短少之兵仍行補至奏入

命暫緩議根敦什希卜之罪回京再奏其兵依議速令往調

欽定古今圖書集成經濟彙編戎政典

第二百二十五卷目錄

兵略部彙考一百二十三

親征平定朔漢方略三十二

戎政典第二百二十五卷

兵略部彙考一百二十三

親征平定朔漢方略三十二

乙丑

訓諭武臣撫恤兵丁

上御行宮召川陝總督吳赫西安副都統阿蘭泰寧

夏總兵官王化行原任總兵官王潮海馮德昌

副將高末乾許萬道員吳秉謙遊擊胡琨姜奇

陳良弼張高張法鄧茂公參將馬濟入

賜食進諸臣而

訓諭之曰朕往者未嘗臨邊不獲目觀邊地之苦今

巡行至此視沿邊地方百姓土瘠人貧但兵丁甚

精銳黃河以西榆林一帶城池兵丁比他處實勝

然而兵雖良必有撫綏訓練之人乃克有濟如不

善撫綏而困苦之則兵雖良無用也善撫綏者不

扣取兵丁應得錢糧如數支給自足養其身所謂

養兵之道卽此是矣若不知撫恤雖多給國帑兵

丁斷不能沾實惠爾等武臣出身行伍者多豈有

不知兵丁之苦者乎一旦居官頓忘在昔爲兵之

苦而扣剋糧餉於心何忍今雖未眞當計日後漸

臻大任可不存良心愛惜兵丁乎朕又聞營中虛

懸兵數冒食錢糧各處皆然陝西尤酷此雖不可

全信大略皆是也且或聞朕來現招以補足原

額者亦有之總之爾等督撫提鎮俱當盡心體恤

下察爾等若不受餽獻則下察不致貧苦下察既

不貧苦則斷不剝兵而虛冒扣剋矣爾等大小官

員各有俸祿養廉衣食並無所缺倘扣剋虛冒卽

罹於罪關係利害不輕卽今總兵官柯彩練兵甚

精前亦會經効力後以操守不佳致人疾怨朕撤

柯彩回京大都武臣之中勇敢果毅出力効用者

多而操守潔清者少或慎於履任之初而淪於後

者亦有之趙良棟性格雖與人相合而操守甚

佳恢復成都之時亦嘗有所掠取然而不甚悖理

及復雲南秋毫無犯此亦彼強於人處也以此觀

之武臣之中如趙良棟者可謂良將矣爾等居官

俱當法之但不可倣其驕矜耳又聞總兵官師帝

實操守甚清居官如此雖身後而軍士尚愛戴之

凡有功而人強者朕皆擢用矣但一時聲名無不

佳者日久而變節者多此皆年齒漸增貪貨賄計

身家而然坐此失者比比也爾等其遵此訓旨通

行曉諭又

諭大學士伊桑阿曰著將出征五百綠旗兵賞銀各

二兩今卽頒發查隨駕兵丁應給行糧至何月爲

止來奏至庫勒納解來駝驛著與兵部同閱具奏

命減兵覈餉進追噶爾丹

上諭將軍馬思喀等曰今噶爾丹窮迫已極兵多則

用之不盡而進發亦覺繁重此但用護軍鎗手六

百前鋒五百烏拉兵四百綠旗兵五百二千兵卽

足矣前鋒烏拉兵俱已派出應給伊等馬駝之數

俱已奏訖護軍鎗手驍騎礮手伊等馬四匹外再

各增給一匹卽取所留四百兵內之馬以爲五匹

除有駝駝之兵外無駝駝兵丁每二人合給駝駝

一頭將所需駝馬及所攔四個月米數查明算奏

議政大臣等僉曰

皇上睿慮所及

諭旨已極周詳皆當謹遵行之應將前鋒八百內連

前鋒校發五百名留二百九十七名前鋒參領

侍衛盡行派出所發前鋒五百名以每人各馬

五匹算所需馬二千五百匹除有駝駝之一百

二十二外其三百七十八人以每二人合駝

駝一頭算所需駝駝一百八十九頭將護軍鎗

手一千內發六百名留三百九十四名每旗有

實授參領二員委署參領六員以此於所留軍

中每旗留署參領一員所發署參領護軍校四

十員以每人現騎官馬四匹算共馬一百六十

匹護軍六百名以每人各馬五匹算共需馬三

千匹除有駝駝之二十九人外其五百七十一

人以每二人合駝駝一頭算所需駝駝二百八

十五頭又所餘一人給馬一匹後增發聽差四

員請停增馬以每二人合駝駝一頭算所需駝

駝二頭帶來

景山礮二門停其帶往每旗帶來子母礮三門各

留一門此所留之礮每旗各留參領一員驍騎校一員小校及驍騎十名每旗帶往之礮各二門各發參領二員驍騎校二員八旗小校驍騎一百六十名伊等亦以每人各馬五匹算所需馬八百匹以每二人合駱駝一頭算所需駱駝八十頭駱駝之馬五十六匹駱駝三十二頭將烏拉兵四百全發此內各開大八員伊等以每人各馬六匹算前鋒參領六員驍騎參領十六員伊等以每人各馬五匹算散騎校五員筆帖式一員伊等以每人各馬四匹算兵四百名伊等以每人各馬四匹算所需馬一千七百八十二匹共官三十六員以每人各駱駝一頭算兵四百名以每二人合駱駝一頭算共需駱駝二百三十六頭將軍薩卜素增給駱駝四頭馬一百十八匹綠旗兵五百各本身馬各一匹再各增二匹為三匹算所需馬一千五百匹以每二人合駱駝一頭算所需駱駝二百五十頭其護軍校前鋒護軍鎗手驍騎礮手及駱駝之馬共需馬六千五百七十七匹將所留之前鋒護軍驍騎礮手馬內擇其肥者抵換帶往其烏拉官兵四百所需馬一千七百八十二匹及增給將軍薩卜素之馬一百十八匹將學士朱都納所喂之馬撥給其綠旗兵五百所需馬一千五百匹將其所駐綠旗兵之馬內擇其肥馬帶往前鋒鎗手護軍驍騎礮手駱駝聽差人員烏拉官兵綠旗兵共需駱駝一千七十八頭將尚書庫勒納等解到駱駝一千一百三十七頭及捐助駱

駝四百頭撥給共二千四百九口每口一月以倉斛二斗算所攜四個月米共需一千九百二十七石二斗奏入

上曰可聽差人員不必帶往又

諭侍郎安布祿曰充使出差察哈代之妻吳罕子阿木尊察陵三口在吳喇忒公達爾馬什里旗下副都統阿林袞家著諭該部乘便行文送張家口交郎中滿都可也

陝西總督吳赫請自內地

回鑾

不許吳赫奏曰近奉

旨

駕巡邊外切思西安府迺歷代帝王建都之地名山

大川古聖賢之舊蹟甚多路坦易行且臣自西

安來時沿途耆老軍民聯羣結隊向臣言曰我

陝省連年大旱無收百姓俱至流離

皇上好生如天獨免歷年錢糧特差大臣賑以

帑金運致米糧以甦民命家給牛種使之稼穡陝

省百萬餘人此數年收穫得以更生者皆

皇上之浩蕩弘恩也我等小民無以報答但日祝

萬壽無疆而已今

皇上經理軍務臨幸邊境祈至西安諸處使我等瞻

仰

天顏叩謝

再造之恩稽顙額請臣已許其轉達而來祈

皇上俯慰兆民願望之誠從內地回

鑾

上曰朕臨寧夏原為調兵以滅噶爾丹也今噶爾丹尚未就擒朕由邊外往相機而行於此一舉務成大事不得從內地行吳赫又奏曰陝西幅員遼闊開隘險要臣等守斯土者雖諸事皆遵

上諭施行不能仰副

聖意之事多伏祈

皇上親臨指授實於地方有益且陝西流離之民蒙

皇上殊恩今已盡還原籍安生樂業

皇上務乘此便幸臨閱視

上曰陝西距京甚近至無事之時朕當特來也吳赫

又再三懇請

上竟不允

庚寅厄魯特台吉阿喇卜灘丹津俄木布遵

旨絕噶爾丹先是遣筆帖式黑色長史馬尼圖等齎

勅往撫厄魯特台吉阿喇卜灘丹津俄木布至是大

將軍伯費揚古等奏言准侍郎滿不吝稱閏三

月初四日出差厄魯特筆帖式長史馬尼圖等

還言職等正月十八日至阿喇卜灘所居布顏

圖郭兒河見阿喇卜灘夫婦授以

勅書宣

諭旨畢阿喇卜灘言我請奉

聖旨遷向策旺喇卜灘住阿兒台地方與丹津俄木

布同候

聖旨俟我使歸有何

諭旨當遵

旨而行阿喇卜灘使人諾顏格隆臧布阿喇卜灘之

妻之使人阿旺達什及其偕來之厄魯特羅卜

臧達爾漢哈什哈丹津俄木布妻父之使人察罕台吉之使人臧布及其偕來之厄魯特八人同子七人婦人幼童九口與戰等同於二月十八日起行前來職等到彼授以

勅書見阿喇卜灘夫婦言語一摺乞交驛遞送等語

又阿喇卜灘等使人言阿喇卜灘丹津俄木布

察罕台吉各有一奏摺是以令諾顏格隆臧布

乘驛起行外併將黑色馬尼圖奏摺發去等因

據此令督驛員外和尚往迎黑色等先發黑色

等奏摺呈

覽其奏摺內言等奉

旨於正月十八日至阿喇卜灘所居布顏圖郭兒河

遣告阿喇卜灘以我等前來之故阿喇卜灘遣

人迎等入阿喇卜灘家接

旨之時阿喇卜灘夫婦皆跪恭敬捧受等宣

聖諭訖阿喇卜灘答言

聖上勅書內令我及丹津俄木布不得與噶爾丹同

處若不相疑可即前來務使爾等得所若或相疑

可往附策旺喇卜灘勿居額黑阿喇爾齊什希洪

郭羅之地

勅書內開有丹津俄木布及我二人之名理宜我二

人同覆

聖旨奈丹津俄木布先在洪郭羅之地後聞丹津俄

木布自洪郭羅出居垂地汝等若往路遠而有

盜賊我當遣人至丹津俄木布處我則仰遵

諭旨移於近地希沐

皇恩但我下人難以遷移噶爾丹又現居其間難以

前往我仰遵

上諭移往策旺喇卜灘國界居住同丹津俄木布候

旨今我使人臧布諾顏格隆與汝等偕往一唯

聖上有何

諭旨請遵

旨行之阿喇卜灘之妻言吾母吾弟沐

聖上隆恩俱得其所矣聞

聖上眷恤迥異於諸喀爾喀我不勝歡忭感戴丹津

俄木布使人羅卜臧達爾漢哈什哈於二月十

八日至等處告曰丹津俄木布居於垂地聞

聖上勅書天使到來極其懼忭欲來而路遠春時馬

瘦不能前來謹繕疏覆

旨令我等齎捧而來同汝等往使臣黑色馬尼圖於

二月十八日率阿喇卜灘使人臧布諾顏格隆

丹津俄木布使人羅卜臧達爾漢哈什哈等起

行而來矣阿喇卜灘疏言自厄魯特喀爾喀交

惡以來我輩附從博碩克圖汗之事已在

皇上洞鑒中而

聖度如天俯恤臣等

諭使離博碩克圖汗已離之奉

皇上勅諭如不信朕可往投策旺喇卜灘

大君

慈旨真實不虛有何疑但向居阿兒臺是以遣

使於策旺喇卜灘之時已與丹津俄木布同往

阿兒臺居住嗣後伏祈

垂鑒如長江流水加惠不絕丹津俄木布疏言傳諭

諸國同歸禮好如岡如陵永遠堅固不勝欣悅

臣亦仗佛天覆庇平安得歸本地矣又云臣向

因博碩克圖汗思如慈父是以勤謹宗門附從

同行其時厄魯特喀爾喀禮信未應儼然安好

自是以後所行不合臣心不服即出歸吾土矣

皇上仁明海量撫養我地往降之人同普天生靈咸

俾得所是以奏請為我等調劑嗣後伏祈

垂鑒如恆河江流加以

仁惠察罕台吉疏言聞

皇上萬安不勝欣忭臣於此地與丹津俄木布俱佳

茲遣臧布阿兒達爾俄木布往請

皇上萬安伏祈

大君鑒恤侍郎安布祿為之呈奏

上以示議政大臣咸曰阿喇卜灘等所差使人諾顏

格隆臧布等齎來進

上之物及交市之物俱留於邊哨外侍郎滿不處應

將所留人畜貨物及進

上之物俱取至歸化城伊等俱著滿不於附近部落

酌量撥人送至歸化城交都統等存視俟去使

歸日再議

上從之尋筆帖式黑色等至

上前奏後

上諭議政大臣曰著將阿喇卜灘使人諾顏格隆臧

布額爾克俄木布阿旺達什令送往侍郎滿不處

於彼地所留人內聽彼酌帶二十許人而往其途

中病留丹津俄木布使人達爾漢哈什哈羅卜臧

之缺填回子益楚克拜之名其偕來察罕台吉使

人阿兒達爾俄木布之名填於勅內即令彼帶回

達爾漢哈什哈羅卜臧既已身故著長史馬尼圖還伊等既到滿不處前去之時著滿不於附近部落酌取馬駝乾糧等物給足遣之其餘人員帶來貨物俟伊等去後再行請旨

大將軍伯費揚古以撥發官兵嚴備喀倫事奏聞費揚古奏言准侍郎滿不咨稱閏三月初四日喀倫送到厄魯特恩克言我乃格豐之人隨格豐來降

聖主之時中途被伊拉克三庫圖克圖所掠前行二日至訥墨黑圖地方住二十餘日我乃竊他人馬鳥鎗一桿逃出我前在彼處出入伊拉克三庫圖克圖左右其下人大小共有百人伊拉克三庫圖克圖言欲在厄濟內古爾喀尼居住盜黃河崖邊居人馬羣職滿不隨遣人移文喀爾喀扎薩克公吳巴達萬舒克台吉圖巴丹津額爾德尼等令將彼旗人速收入內其扎薩克本身協理台吉都統副都統酌量帶兵各在本旗地方加意防備將各旗探哨遠行設立又移文黃河三哨協理台吉令速遣喀爾喀副都統阿穆呼郎遠展哨探謹慎預防等因看得伊拉克三庫圖克圖窘迫已極未必不至喀爾喀所居界上行竊是以臣等發察哈爾哈兵一百五十衆扎薩克蒙古兵一百五十交散秩大臣吳巴什郎中諾木齊代往駐喀爾喀所居界上形勢之地如伊拉克三庫圖克圖前來行竊爾等即行撲剿擬於閏三月初七日發行俟大兵自寧夏起行日期部文到臣撤回具

巴什所領兵爲此奏

上以示議政諸臣

命遣大臣監發將軍薩卜素官兵馬駝

上諭黑龍江將軍薩卜素曰所給爾等官兵之馬何日給發著與議政大臣會議來奏奏後朕遣人閱選給發議政大臣議撥給將軍薩卜素官兵馬駝擬於十二日給發撥給之後尚有數日屯劄仍請給支草料

上從之遣公福善親隨侍衛關保侍衛阿兒柱馬什

閱選駝馬給發

送格墨沽英等妻子至歸化城大將軍伯費揚

古咨理藩院曰康熙三十六年三月二十八日

侍郎滿不處解到降人格墨沽英婦女童穉十

口曼濟婦女童穉四口馬五匹駱駝二頭鳥鎗

二桿撤袋一副已交驛遞解至歸化城往交副

都統阿迪等因侍郎安布祿爲之傳奏

上以示議政諸臣是日格墨沽英祁薩木到

辛卯

上諭諭督撫提鎮愛兵恤民

上諭陝西總督提督巡撫總兵官等曰朕宵旰勤民

慮周遐邇邇向來巡幸未經親蒞邊境頃特濟河

而西循秦省沿邊地方延覽風俗諮詢疾苦見所

在兵民築土屋以爲居耕沙磧以爲業生聚之計

甚屬艱難朕惻然於衷軫念弗釋因思兵民倚賴

全在將吏而將吏之表率惟督撫提鎮是視誠使

督撫提鎮實能正己澄源則所屬守職奉公祿足

自贍必無戕削兵民之事若積習相沿滋受屬員私饋因而所屬官弁節次求索取償於下文則加徵無藝武則侵扣月餉勢不至於厲民剝兵不止如此而欲冀其疾苦日蘇生聚日盛焉可得乎夫秦地俗尚素稱簡樸邊方士卒允屬精銳總特撫馭得人斯於兵民胥益朕茲駐蹕寧夏特召該省總督總兵官以下官員凡在鎮城者俱賜宴行宮面加諄諭無非期望文武大吏董率屬員以仰副朝廷愛兵恤民至意自今以後爾等其益體朕懷交相砥礪文官皆習知民事豈身作官吏不恤百姓之依武職多起自行伍豈甫爲將領遽忘軍士之苦上官克謹廉隅屬吏各遵法紀馴至比屋殷阜列戍飽騰則兵民皆得其所而爾等亦與有休寵以視厲民剝兵身名俱隕者孰得孰失爾等其敬念之特諭

分撥進剿駐防官兵

上諭議政大臣曰前著孫思克博濟發兵三千但兵

多則進發繁重今應選出滿洲綠旗兵二千以所

留兵丁之馬增給之令攜四個月糧遣赴阿南達

所阿南達李林隆率之搜剿孫思克博濟率所留

之兵暫駐甘州其子成龍等糧運守候之地亦應

令兵一枝駐劄此著西安副都統阿蘭泰率西安

兵三百往戍其需於寧夏之京營前鋒每旗二十

名護軍鎗手礮手酌量派出隨駕餘駐寧夏撥一

大臣領之著大將軍伯費揚古傳諭附近部落蒙

古王貝勒貝子公台吉等有願自備四個月糧隨

軍効力者許其前來其費揚古軍前所有黑龍江

兵一百俱全帶來量四個月口糧選發察哈爾兵
攜四個月米來會於郭多里巴爾哈孫地方即令
總管此軍至費揚古起行後著舒恕代理其事侍
郎滿丕仍駐原戍之地可即會議具奏議政大臣
議奏曰調遣兵馬諸務

皇上一籌畫

聖諭已極周詳俱應敬奉而行俟

命下之日檄將軍舒恕孫思克博濟提督李林隆副
都統阿南達侍郎滿丕各遵行自寧夏前往
京軍於厄黑阿喇兒地方搜剿噶爾丹糧馬已
撥等事亦俱檄之費揚古阿南達可也議入

上報可尋大將軍伯費揚古等奏言現在軍前者有

喀爾喀達爾漢親王諾內毛明安貝勒班第毛
明安扎薩台吉諾爾布本旗協理台吉博木布
吳喇忒扎薩克公杜稜吳喇忒扎薩克公鄂爾
奔本旗協理台吉吳爾圖那蘇圖吳喇忒公達
爾馬什里本旗署協理台吉勞章什喇卜喀爾
喀察哈爾台吉額爾德尼納木占三盤扎卜車
克巴汪扎兒三濟扎十諾爾布喇喇離達木
甘在附近地方者有喀爾喀和碩親王善巴喀
爾喀扎薩克台吉吳爾占之協理旗務二等台
吉顧穆濟卜散開台吉龔格汪扎兒圖色拉克
衛徵帶青噶木楚克那他特軍卜登達什陳木
布納木占率其護衛附丁前來額請情願各帶
自己四個月糗糧赴軍前効力其他部落情願
前往効力之王貝勒貝子公台吉等俟來報之
時具齊報部奏入

命示議政大臣續有喀爾喀土謝圖汗其養子台吉
濟克巴願從軍効力貝勒額爾德木圖額駙班
第台吉畢力克喀爾喀扎薩克一等台吉巴郎
之子台吉汪布四等台吉薩馬代俱愿從軍効
力奏入

上准隨征

命撥大兵食羊議政大臣奏曰是月初九日欽奉

上諭著將行糧給軍夏進剿官兵副都統阿爾泰所
買羊從多隨趕除給兵丁行糧外查阿爾泰所買
羊一萬六千五百內擇肥者五千隨目下寧
夏進剿兵而行此係隨軍充糧之羊應交將軍
馬思喀等分授八旗綠旗兵趕去其所剩一萬
一千五百羊仍交地方官看守停其採買

上曰買此羊者原為是軍之備剩之何為著將羊全
給是軍食此羊可多行數日矣

理邊內邊外運糧安站事

上諭議政諸臣曰朕曾以轉運糧餉及隨軍安站之
事與鄂爾多斯貝勒宋喇布議之彼奏言當此有
青草之候以臣等帶來兵三千足供運糧安站之
用應將白塔以外運糧安站事交宋喇布同于成
龍等商議而行白塔以內運糧安站事交總督吳
赫管理其西安副都統阿爾泰兵三百亦交與于
成龍又馬思喀帶來之兵若祇自齋口糧一月則
其餘三月之糧及隨軍所運之糧為數甚多船運
一次未必能完勢必再運一次大兵豈能空坐入
待應令馬思喀兵各齋兩月口糧外所餘之米船
裝運往船裝不盡者令大小官員均派抬帶而往

若復有所餘令于成龍竭力運致白塔此間食過
十二日米於衆人均派抬帶米內取之補給隨軍
運運之米應至何地應止何地著大將軍伯費揚
古議政大臣與于成龍等會商定奪著詳議具奏
議曰噶爾丹困窮已極仰承

皇上指授則進兵運米必無遲誤請令將軍馬思喀

兵抬帶兩月糧計二千一十五石大兵自白塔
以外抬帶二千一十五石二斗于成龍等隨運
一月之米一千零七石六斗共米五千三十八
石大將軍伯費揚古所帶黑龍江兵一百其察
哈爾兵不知數目大約連黑龍江兵作一千算
一月需米二百二十石西安副都統阿爾泰兵
三百取西安留下兵之馬三百匹增給前進兵
每人一匹抬帶兩月糧二百六十四石八斗其
三個月口糧三百九十七石二斗令于成龍運
往其運米官員軍校坐臺章京筆帖式五個月
口糧需六百八十七石因米糧必多備帶往始
為有益應連耗米帶一千九百石大將軍伯費
揚古兵西安兵運米人員口糧及多帶之米共
三千五百石除將軍馬思喀等抬帶米外船裝
運往之米三千二十二石八斗儘船裝往如船
裝有餘著大小官員抬帶再有多餘令于成龍
等歇運其船運之米應派地方官七員于成龍
處司官二員管押前進自白塔陸運撥牲口四
千五百匹并駕三牛之車預備三百輛帶往每
二輛合用三人此所需人役四百五十口糧鍋
帳併雇值等項照去年中路例交該督給發所

派出船上地方官七員即從彼地管車夫給口糧帶去其米應運至何地畱止何地既著大將軍及參謀與于成龍會同商定則給發大兵所餘駱駝亦交于成龍率鄂爾多斯兵二千二百五十名將米遞運前進其安站之事將于成龍帶來理藩院司官派出一員率鄂爾多斯兵七百五十名隨將軍馬思喀而往依其所指之地安設自軍夏至白塔所設十站交總督吳赫料理外自白塔以外至額黑喇兒共五十站每站安設一臺每臺設鄂爾多斯兵十五名馬二十匹或參領或驍騎校安設一員伊等俱係蒙古不通滿文每臺將通滿文者或章京或筆帖式安設一員使管理驛站之務著于成龍與宋喇卜公同商議而行

上報可總督吳赫奏曰查軍夏至平樂城一百里其間應設兩臺平樂城至白塔四百餘里其間應設八臺此十臺每臺應設馬二十五匹揀選守備千總把總等官一員及領旗等頭目二員安設所建內地之臺取偏僻地方驛馬安設邊外之臺照甘肅例取營馬安設其臺臣請親視建立

上從其言且謂地方事重大吳赫不便往設驛站著大學士伊桑阿侍郎哈雅爾圖安布祿安設驛遞要務安設不可差悞

台吉羅卜臧之妻以其所獲厄魯特獻

上理藩院奏曰巴圖爾厄爾克濟農之姪羅卜臧台吉之妻告云察哈代親子索諾木達克巴色稜

吳巴什察哈代親兄巴兒當吳巴什其妻索諾木素其子羅卜臧津巴多爾濟達什剛阿塔爾扎木素女車林剛阿塔兒之妻庫磨扎卜此十口俱在我家又格壘沽英之屬下顧魯黑夫妻二子共四口亦在我家察哈代乃効力於皇上之人其子弟及格壘沽英之人我皆獻之皇上從外而往則甚遠從內則近請使我之人同部中人出邊口取來乞給驛於伊等使之前來奏入

命差廣武游擊之人同其人往取俟到日每口給銀三十兩

厄魯特扎木素來降侍郎滿丕奏曰厄魯特扎木素來降告云我於三月初三日自哈薩克圖哈喇阿濟爾罕地方逃來當在薩克薩特呼里克時一日晚間忽有牛礮聲三響衆皆聞之隨有一瀚海旁採捕之人夜中來告噶爾丹云我乃瀚海旁採捕之人霧瀾瀚海視其飛塵有兵馬蔽地而來噶爾丹管中人自此擾亂衆人俱言向聞滿洲行軍必放三礮扎管令敵人近逼是真遂遷往哈薩克圖哈喇阿濟爾罕我從行十六日於哈薩克圖哈喇阿濟爾罕地方見噶爾丹又差塔兒巴配以十人往瀚海旁驗視正擾亂之時我夫妻騎馬三匹逃出來降

皇上又丹濟拉離噶爾丹另遷於三日程外什爾哈

戈必地方噶爾丹遣人兩次往召之丹濟拉言既有程布臧布矣用我何爲我不去也又會遣土克齊色稜達什於杜哈爾阿喇卜離我來之

前同土克齊色稜達什前去之人之馬畜杜哈爾阿喇卜離之人奪取之棄四五人於額黑阿喇兒但兩三人步行而歸土克齊色稜達什言阿喇卜離所有

中華皇帝使臣來將同使臣遣阿喇卜離之使及行商回子去觀阿喇卜離之狀與我反顏是實又聞西路有阿南達兵防守又有根敦帶青滿兵已圍取洪郭羅口是以噶爾丹不知所往在阿兒臺四圍游行欲往阿兒臺之陽則山險而無野獸欲踰阿兒臺往額黑阿喇兒則畏杜哈爾阿喇卜離據此將扎木素同格壘沽英曼濟及其妻子併馬駝什物俱交驛站遞送至歸化城發副都統阿第安插奏至

上命示議政諸臣

壬辰

遣使宣

諭噶爾丹等先是大將軍伯費揚古以博什希出使

噶爾丹之事來報

上諭侍郎安布祿曰爾可令驛站星速馳迎博什希驛站筆帖式不論何地遇博什希取噶爾丹奏章先星速齎來令博什希量力隨後馳來將噶爾丹奏章令驛站筆帖式小心齎來恐致墮失併遣人迎丹濟拉使人羅卜臧及我此地所差使人巴兒通阿什曼濟兩人日夜星速帶來驛站先將噶爾丹奏章及使人送到其噶爾丹疏言欽惟

皇上

大慈普惠有如衆母光明鑒照不異幽明奉到

勅書及使人格壘沽英口傳

諭旨不勝懼忤大都言語文章百凡音節雖不能灼

知亦常有所陳奏間者各項情事蒙

普惠大慈文殊皇帝仍惠加

諭旨雖意中有

聖旨甚是之想但爲大兵所敗四處離散目下此地

子遺猶未相商是以大略雖謂

聖旨甚是以諸凡所奏情事已遣格壘沽英往奏

俟格壘沽英到後明白密奏如

皇上俯恤准奏垂鑒則大幸矣正欲遣格壘沽英啓

行而忽逃亡是以遣喇木扎卜前往令喇木扎

卜明白口奏喇木扎卜奏曰噶爾丹言

聖旨云汝不能自活則收衆近徙來降我居無廬出

無騎食無糧我屬下阿喇卜灘杜爾伯特之車

陵滾占之子車陵多爾濟俱不能自活散去捕

獸不及召集伊等諮問其意俟集問之後再行

另奏緣

皇上有恤臣之語是以屬下人等歸投

皇上者甚多伏乞發還臣所併乞

聖上加恩賜於失所之人以活其命奏畢

上曰汝欲歸乎抑留此地乎喇木扎卜奏曰臣原欲

來投

皇上去歲夏間帶四十餘人而來遇杜爾伯特之車

陵盡皆劫去是以不能來而返自此噶爾丹謂

臣有反心防至此時格壘沽英逃後臣有心告

請而來

聖上問臣所願臣之妻子俱在此地臣無所往也必

使之去

君事也何敢不去於是

上諭內大臣索額圖明珠曰大兵起行之前當遣人

招撫噶爾丹丹濟拉此差不必遣本朝之人與塞

卜騰巴兒珠爾同擒者有噶爾丹乳母之子丹濟

扎卜再登願往之厄魯特齊勒而往一面遣使一

面進兵達賴喇嘛身故已十有六年矣第巴指達

賴喇嘛之旨以誑噶爾丹噶爾丹信其誑自言爲

達賴喇嘛之教而恣肆橫行以此等事明開勅內

照樣刊刻多印付丹濟扎卜等傳示併遣諭策旺

喇卜離令乘此會亦與兵剿滅之事明白開列議

政諸臣開列出使策旺喇卜灘部院人員職名

入奏

上命派出工部侍郎常綬侍讀學士伊道及革職侍

郎多奇暫補主事同往此等事若不効力伊等更

於何處効力今草已寄著自備馬匹前去至是大

學士伊桑阿奉

旨撰

勅諭噶爾丹策旺喇卜灘丹濟拉厄魯特之台吉寨

桑哈什哈及衆百姓四道呈

覽

上謂四道勅文雷同無異自始至末手爲改定以示

議政諸臣

勅諭噶爾丹曰

皇帝勅諭噶爾丹博碩克圖汗去冬命爾早降則予

以富貴給以資產眷顧煦育之即爾所屬厄魯特

之衆亦各得見其妻子遂其生業故遣使偕格壘

沽英往宣勅旨今使者喇木扎布至覽爾所奏謂

未明朕旨且觀爾辭意一無真實而請給還來奔

之厄魯特豈惟厄魯特之衆雖爾子塞卜騰巴兒

珠爾及爾乳母俱已被獲今皆恩養與徵特和朔

齊同居爾若來歸即令爾子與爾相聚今既不降

爾有何功遂還爾厄魯特之衆爾欲歸降應及早

來若不歸順徒遷延時日何益况達賴喇嘛已故

朕已知之會嚴飭第巴第巴又遣尼麻唐庫圖克

圖上表來賀捷且奏稱達賴喇嘛已歿十六年其

轉生之庫必爾漢年已十五歲則爾之指稱達賴

喇嘛以爲護法欺誑衆人者已顯露矣爾所欲逃

匿之地厄魯特來降者多朕已悉知即使遁入洪

郭羅險固之地諸路皆可進剿爾困迫若此尚何

力拒守即今已無歸所矣今歲即不擒汝來歲當

復發兵追討必不中輟汝其詳審之故遣丹濟扎

布察罕代舒魯等齎旨特諭

勅丹濟拉曰

皇帝勅諭台吉丹濟拉朕爲天下元后善善惡惡乃

至理也去歲遣格壘沽英等歸勅內開載爾名復

使格壘沽英傳諭今格壘沽英等來爾之辭意皆

已備陳爾今能致噶爾丹博碩克圖汗來降必當

封爲貝勒昇以殊榮如不能致爾一身歸順亦能

不失富貴現爾以下之人先降者皆釋其罪顯榮

優養爾應悉聞已往之過概不介意爾會密奏若

宥臣罪臣請投降故特專賜勅旨盡宥前罪剋到

其速降朕爲大君豈敢成命特諭

勅厄魯特之台吉寨桑哈什哈并其人衆曰